

Riú féin meastar gasraidh Gall
[RIA 744 (A/v/2), 12b]
Doíghre mhac Áonghuis Uí Dhálaigh
[Deibhidhe, Dán Díreach]

- 1 Riú féin meastor gasraidh Gall
láoich úaisle nár ob comhland
díon deaghanma oirir Airt
seanadhbha an einigh orrdhairc.
- 2 Riú féin meastor maith na bfhear
Goill Bhanbha na mbrugh slisgheal
ar thoirbheart mar as dú dhóibh
ar chlú ar oirbheart ar onóir.
- 3 Ní chúala ríamh rompa féin
samhail a ccéime a ccaithréim
's ní fogthoir ar ghnáoi ar ghloine
um tholchaibh chráoi Chonaire.
- 4 Ní cóir coimeas ré a cclú soin
Goill Éireand an fhóid iobhraigh
teallach einigh fhuinn Chonla
deighfhir go ccuing ccathorrda.
- 5 Ar ndíoghbhódh einigh bfhear bFháil
ionghantach aidbhle an iomráidh
cáoimhleandán nachar chlódh toil
pór na sáoirbheangán sochair.
- 6 Gé táid uile ar ndiúltadh dho
úaisle Gháoidheal ghuint Énno
ag sin Goill ré a cclú do chor
's gan poind a-nú dá nochtad[h].
- 7 Do chindeadar túar toile
ar úaislibh fhuind Iúghoine
an úair-si fá ainm einigh
g(e)airm a n-úaisli ar áiteighidh.
- 8 Ní beag d'aisnéis a n-anma
díol clíar comhdha a n-atharrdha
turnamh rioghshlógh coimhéd ceall
is díoghbhódh oiréd Éireand.
- 9 A-táid ríamh ó ré an chuntais
[fa] Bhanbha an bhrúaich rélluntais
eidir slúagh fionnmhuighe Fáil
ag túar ionmhoine d'fhagháil.
- 10 Mar sin d'ógbhaidh na ttreas tte
ag leanmhain luirg a chéile
gach áon diobh ag dáil a chruidh
más cóir bríogh isna bronntaibh.
- 11 Leanuid a-níú dá nós soin
drong do Ghallaibh chláir Chobhthaigh
ar bhárr réidhe um dhíol dáimhe
do ghníomh d'fhéile d'iomláine.
- 12 Mic Dhíolmhaineach na ttreas trom

- rothghabhla an einigh d'altrom
drong ghairthe náoidheanta náir
sáoirealta chaithmhe an chonáigh.
- 13 Leómhain cheandsa is úaisle d'fhuil
croind chumhra go ccnúas n-abaigh
fir choilglíomhtha do thúair toil
fá boirbfhíochdha a ttrúail tachair.
- 14 A-tá fear don druing dhearcghlais
mhóras ainm an oirdhearcais
gnúis leómhanta a ccaidreab[h] chath
aigneadh beóghanta baoghlach.
- 15 Sáormhac Teabóid thornas goimh [13a]
Lúcás Díolmhoin dreach fhosaigh
sdúaiigh níamhtha tteannál ttromdha
beangán íartha ar n-ealadna.
- 16 Tríath leanbdha Locha Glinne
sás árdaighthe ar n-inntinne
glac mhear fá cródha a ccleasaibh
nach ónna ar f[h]eadh n-imreasain.
- 17 Árdfhlaith is feirde fine
Sior Lúcas cuing céillighe
gríobh neamhomhghlárach sháor sheang
leabhordhánach cháomh choitchiond.
- 18 Seabhac echtach aigneadh sáor
tuir chobhsaigh nar char míháom
sur droibhél cathfhoghla is creach
coilén nathorrdha neimhnióch.
- 19 Mo-ghénair aicme ór fhás sin
fear cosanta clú a chinidh
dídean cean gasraighe Gall
fear lén cosmhaile comand.
- 20 Fear mur Mhongán fá maith modh
ar chlú ar indtleact ar eangnomh
gég airmneimh[e?] as clisde cor
tairngeire brisde bíodhbhadh.
- 21 Fear as réidhe ag ríar sgoile
céile an einigh d'ionghaire
cúl altach cearnbhuidhe cláon
deaghdhuine Marcas macáomh.
- 22 Fear nár athraigh ainm a shean
fear gan úabhar gan aithbhear
creachthóir ionmhoine gach f[h]ir
seachnóin fionnmhuighe Fuinigh.
- 23 Iomdha um Lúcas na ttreas tte
feadh leasa Locha Glinne
tuir dhealbhda nár éimhigh áon
féinnidh merrdha agas macáomh.
- 24 Gnáth ag íadhadh 'má fholt cas
fir lé dán dream le seanchas
gan lúadh leóin ar feadh bfeidhe

- is fear ceóil nach ceilfidhe.
25 Geall cosnaimh agas caithmhe
fúair sé ní seól meraighthe
gécc neamhfhoghlach nach cláon cor
an sáor ealadhnach athlamh.
- 26 Lúcas Diolmhain dearc mu ghloin
crúaidh fá rún bog fá bhronntaibh
is mó dár cosmhaile ar ccion
ar n-andsoi-ne as dó dlighthior.^x
- 27 Gabhuim mu leannán lé soin
Siobhan m[h?]udhar méin iodhain
gnuis neamhghrod fá ttriall ar ttoil
a dearmad nior chíall chosmhuil.
- 28 Inghean tSheóin nach daor do dhaimh
le sgaoiltear duille an domhnain
sdúaiigh chéillidhe nár chláon breath
an chraobh shéimhidhe shúaimhniach.
- 29 Dual searc da treidhibh tromdha
's dá comhradh mín measorrdha
rug geall d'fheile 7 d'oineach
's as reidhe um cheannu ccomhoigheach.